




A. XIII. 8




Nova-Tacina. Liter. -

937.  
I







Henrici Nicolai

1. Oratio de Protervia gradum Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



De *Koll. I*  
PROTERVIA QVADAM  
PHILOSOPHICA


# ORATIO

*P R O*  
INTRODUCTIONE  
AD PROFESSIONEM LOGI-  
CES ET METAPHYSICES

*In*  
Almo Gymnasio Gedanensi

*HABITA*  
*Ad diem VI. Septembr: S. N.*

*à*  
M. HENRICO NICOLAI DAN-  
tiscano, Gymnasii Patrii Professore  
Philosopho.



*DANTISCI, Litteris RHETIANIS, Anno M.DC.XXXI,*









πεντάδι

NOBILISSIMORVM & perquam MAGNIFICORVM  
VIRORVM

DN. JOHANNI CZIRENBERGIO,  
Præsidenti.

DN. EGGERTO à KEMPEN,  
Proto-Scholarchæ.

DN. TIDEMANNO GIESEN,

DN. EDVARDO RÜDIGER,

DN. GUALTHERO ROSENBERG,

Coëteris Dnn. Scholarchis Amplissimis.

Mæcenatibus & Patronis suis observanter  
colendis.

S.



*P*eræ ne facturus essem pretium, NOBILISSI-  
MI & perquam MAGNIFICI VIRI, Patroni  
pl. observandi, si tenuem ad qualemcunq; ingenii  
moti auram mihi natam opellam luci committerem, sæpe  
multumq; anxius mecum dubitavi. Nam & materiem exi-  
guam, & laborem in tenui præter Mantuani vatis men-  
tem, difficulter ad gloriam esse valentem in publicum dare,  
periculi plenum arbitrabar, & multorum tamen petitis id  
querentibus proterviter ad ultimum negare velle præter hu-  
manitatem videbatur. In altero judicia oculi fortasse Satur-



nij subverenda erant, alterum contationem cæpti quotidie in longius extendebat. Rumpendam tamen tandem æstimavi moram, potiusq; quæsitis amicorum annuere destinavi, quam conceptas spes vel eludere vel diutius cum tædio morari. Eruptum ergo mihi, quod latere cupissem, ignobile opus, & velut gallinacens Euclionis situ chartei pulveris excussum, relectum, atq; ut avido feneratori improbus nūmus occupari voluit potius mihi, quam condi. Eum qualēcūq; Vest: Amp: Nominib. sacrandū & censui & censere pergo. Tuo, Magnifice Præses, qui præ cæteris exiguum operis Tibi probatum iri significasti, Vobis cæteris, Amplifs. Scholarum Patres, ut pro honorata in Gymnasio Vestro mihi destinata functione publicus gratitudinis extaret cippus, ad quorūq; aram suspendendū hostimentum. Nec enim furtive pro ijs quæ in publico sunt, gratias agendas putavi, aut ad aurem, Cum inficiandi hoc genus sit, non verecundia, atq; ut Seneca ait, ingratus existimetur, qui remotis arbitris gratias agat. Tum primitiæ operum ē prisco ritu, nullis alijs sacra esse debuere, quā quorum auspiciis cæpta actorum in alma Vestra Vrbe mihi sunt inchoata. Vos, quod Vestrum dudum fuit destinatione, Vestra, id est, explicita fronte suscipitote, & aut ut Æsculapius, redintegrate ad vitam, quod per me quidem fuisset mortuum, aut ut Plato juvante Vulcano, liberate infamiā, si pervenire per Theoninum dentem ad famam non liceat. Musas nostras proporro animare pergitote, ut per Vos saltem vitam occupare valeant, quæ aut mortes aut exilia passim subire coguntur. Valete Amplissimi Reipublicæ Patres, Magistratui honori, cæteris emolumento: Votisq; fruimini etiam ad invidiam felicibus. Gedani. ē Museo. 4. Non. Octob. An. 1631.

V. V. MM. & AA.

Officiose colens

M. HENRICUS NICOLAI  
Log. & Met. P. O.





Conditionem præsentium rerum, in quibus versamur, Audi. Intuentibus nobis minimè mirum est, & satietatem operæ in artibus sectandis & desiderium rerum aliarum agendarum occurrere. Ut omittam publicas illas orbis terrarum portiones, in quibus aut planè exulant litteræ, aut pessimè habitant, cum & *Asia*, olim portio terræ cultissima, hodie sic rusticior, & *Africa* tota Barbarica, *America* inhumanior: vel in solâ *Europâ*, in quâ Musæ sedium sibi fixisse videbantur receptacula, quam abjecte hodie habeantur, quotquot è litterario sunt ordine, quotidie malo cum suo experiuntur. Etenim & qui indole & virtutibus inter mortales præstant, rarissimæ hodie sunt in hominibus gemmæ, & sæpe despiciatui habitæ ab ingentis, quæ ad servitutem facta, liberis tamen ut plurimum imperant. Quibus olim ad gloriam erat, litteris & mereri dignitatem & habere, *virtutis insuper alimentum perpetuum honos*, in spem dabatur, ut illius radiis, ita splenderent tandem mentes eorum, ut exacta naturæ crederentur opera, veluti obscuriores gemmæ à circumposito auro lucem optimis parem accipiunt: ij non sine scelere contumeliosè passim in furioso hoc Martialis genii seculo habentur, & genere inhumanitatis noxiosissimo non extolluntur: imo

Camerar:  
C. 3. c. 45.

Barcl: l. 1.  
Arg.

Valeri M.  
l. 2. c. 2.

fortunâ perversam instituyente rationem, in multis gē-  
 tibus prope in gloriâ habetur, arceri illos ē regionibus  
 aut in sordibus pulveribusq; obritos jacere. Qui *folli-*  
*tim* olim, *Comici* verbis, argentum dūctabant, hīs satis  
 hodie est peratim: qui corruiere olim potuissent diviti-  
 is, illis hodie cum argentatâ eundum est querimonia &  
 ad paupertatem se protractos dolere necessum habēt.  
 Publicas opes in Martialem istam furiam degerente  
 fortunâ, & quæ piæ utilitati sacra majorum vota de-  
 stinavere, in nescio quos feralium machinarum admi-  
 nistros profundente seclī sævitiâ. Neq; adhuc dum,  
 ut loquitur *Satyricus*, fortuna *communis* ad suam cæpit re-  
 dire *pœnitentiam*. Quam ævi injuriam quoties cogita-  
 mus, fieri aliter non potest, quam ut aliud atq; aliud,  
 varia nobis versantibus, sese animo insinuet. *Erunt qui*  
*increpandam* fortunæ intemperiem cum *Cæsare* existi-  
 mabunt, quod stipendia Musis sacrata devergere sinat  
 ad *impium militem*, *tarde ē fortasse nunquam reversura*.  
 Alii ridendam ejus cum *Democrito* putabunt insaniam,  
 quæ insolentem ludum ludere pertinax transmutet  
 incertos honores mox huic mox aliq̃ vitæ statui beni-  
 gna. Qua ratione & ē Minervali nostro seculo sperato  
 factum esse Martiale insperatum. *Non deerunt qui*  
*quicquid* hujus insolentiæ est, magno & *Cratetis* quo-  
 dam spernendum esse animo ingerent, atq; ut ille apud  
*Apulejum*, cum â *Diogene* laudes audiisset Philoso-  
 phiæ, quo pacto & Philosophi ratio & oratio tempore  
 jugis sit, & auditu venerabilis & intellectu utilis, rem  
 familiarem omnem abjecit velut stercoris onus labori  
 magis quam usui, exinde cœtu facto maximum exclamavit,  
 Craces, Crates, te manumittes: sic hi amorem  
 scientiæ estimabunt, ut præ eâ reliqua sterquilinâ atq;  
 oneris

Plaut:

Pla: Pseud.  
2. 1. s. 3.

Petron: in  
Saty.

Pasferat:  
præfati P.  
349.

Horat: l. 3.  
od. 29.

Apul. l. 2.  
flor.



oneris loco habeant, ea quidem libertate, ut nullius  
 cupidi, libere omnium quoad vivant, beatè vivant.  
*Dicent cum historico*, magnæ indolis esse sperare sem-  
 per: sperandum, ut soles aliquando incipiant ire li-  
 berius. *Dicent cum Lyrico*, Illum potentem sui læ-  
 tumq; posse degere, cui liceat in diem dixisse, vixi,  
 cras vel atrâ nube polum pater occupato, vel sole  
 puro, non tamen irritum quodcunq; retro est, effi-  
 ciet, neq; diffinget infectumq; reddet, quod fugient  
 semel hora vexit. *Dicent*, optime miseras ferre qui ab-  
 scendant, nec ullam tam familiarem infelicibus esse  
 patriam, quam solitudinem, statusq; prioris oblivio-  
 nem. Dignum esse omni malo qui erubescat fortuita.  
 Apponent ex festivissimo illo *Arbitro*, quâ hoc, *verè*  
*arbitro*, Amorem ingenii neminem unquam fecisse di-  
 vitem. Litteratos infra pecuniam esse positos, nesci-  
 re se, quomodo bonæ mentis soror sit paupertas. Ru-  
 inosis horrere facundiam pannis, atq; inopi linguâ de-  
 fertas invocare artes. Exemplis jam tùm vulgatum  
 esse pergent, doctissimos plerosq; Viros pessime mu-  
 neratos victitasse assibus & libellis, *non aulis auri onu-*  
*stis*, ut *Comicis* utar verbis. C. Fabricij, Cn. Scipionis  
 Mar. Curii Romanorum filias ob paupertatem de pu-  
 blico dote ornatas ad Viros ijsse. Publicolæ & Agrip-  
 pæ funera ob tennes opes collatis sex tantibus ab po-  
 pulo Romano esse adornatas. & in hanc rem sex cen-  
 ta teferri posse. Adeò in litteratos publice malignum  
 ingratumq; semper mortale genus fuisse; Omnes um-  
 bram rectæ indolis perdidisse, qua terrarum parte fe-  
 ra regnet Erynnis; in facinus jurasse putes.

Flor: l. 4.  
 c. 2.

Horat: l. 3.  
 od. 29.

Cur: l. 5. c. 5.

Petron:  
 Arb: Satyr:  
 p. 36.

Lanf: Or.  
 c Italiam.

Cuna: sa-  
 tyr.

Hæc &

Curt:

Hæc & quæ similia in solamen tetricitatis seculi, sublevandam Musarum passim profugarum mœstitiam deduci queant, sonabunt mentes eorum qui *παιδοφίαν* aliquam & scientiarum orbem animo complexæ dolebunt, quod destinata salubriter, omni ratione valentior evertat fortuna. Feliciter tamen cessit, quod, etiam dum parricidalia passim bella homines in se stringunt, & vel Midæ Cræsiq; opes atq; omnis Persarum copia in Martialem istam egeruntur furiam, Deus suscitet qui Musarum delectati cultura earum patrocinium suscipere atq; ut penes se habitent, procurare sustineant. Ut de externis nil attingam vellea quæ ad manus sunt, videamus. Vidimus hæcenus Musarum nostrum habitaculum per casus varios disiectū, lacinatum, & Minervæ sacra male habitantia: At *Nobiliss: & perquam Magnif. alma Urbis Senatus* pro Patrio quo in Musas fertur, affectu nihil sollicitius habendum duxit, quam ut de commodâ earum restitutione seriò cogitare auspicaretur. Eâ de gratiâ prospiciendum ratus & de Viris, quibus flos doctrinæ delibatus esset, ejusq; consultissimam aperire viam possent, & de præmiis, quibus sollicitarentur de publico ij, qui Musas de patrum veterno excitare quirent. Nec dubitamus, cum adeò eas non despiciant *Ampl. Reipub. Patres*, ut sæpè admittant in secretum, referantq; deinde amœnissimo ingenio, quæ illæ dixerunt: majora adhuc illis destinasse, sed quæ in effectum dare iniquitas seculi nondum permittit. *Namq; & consilio optime* jacto non oportet nimium fidere, cum ut passim, sic & hic, suam habeat casus & fortuna rationem. Ast *ut in maleficiis cogitata judicantur scelera, nondum perfecta,* & ad pœnam sufficit, meditari punienda; sic ad laudem sa-

Petron: in  
Saty.

Apulej: l. 4.  
florid.



dem satis est conari predicanda. Omnibus enim bonis in rebus, ut Apulejus ait, Conatus in laude, effectus in casu est. Sperare nos jubet effusus *Amp: Senatus* in litteras affectus, ut cum In omnes sit prolixus, tum in addictos earum excultores futurus sit perpetuus, quæq; litterariis operibus referri præmia negat injuria temporis, ea in posteriori duplo refarciantur hostimento. Verum prolixius fortasse quam putaram, me in hanc immisi materiem: Referam me ad id, cujus gratia potissimum hanc inscendi cathedram. *Prisci moris* vetustate receptum erat, ut in ædes alienas nemo ingrederetur, nisi qui fores ante pultasset, & si quis recta introrumperet, non satis civilem vitæ rationem tenere existimabatur: imo Solonis lege Athenis fustibus cōtra eum agere licebat: Ita ab atavis usq; recepto more ad nos deductum esse nostis, ut nemo in alterius suffectus officium, admittatur, nisi qui præludii quoddam experimentum exante in publicum dederit atq; exercitationis loco thema aliquod selectum ē ceratinis in lucem extulerit. Ei ritui satis faciendo hunc locum me capessentem inhibuit paulisper & *Magnif. Vester Confessus*, & rei occupandæ deterruit difficultas. Enimvero ut pro amplitudine auditorii prolixa mihi suppetat Oratio, optare magis habeo quam sperare cū hic maximè claudar, ubi me facundissimum esse percu- perem, verumq; sentio, quodajunt, *nihil tam prosperiter datum esse divinitus homini, quin ei aliquid sit admistū* difficultatis, ut & in amplissima quaq; lætitia sublit quæ piam vel parva querimonia, conjugatione quadā mellis & fellis certe perpetua, ut ubi dulce, ibi & accidum invenias. Quando tamen & *leges mori serviunt* secundum *Comicum*, & ut in atatibus auctoritatem, sic in exem-

l. 4. flor.

Passerat.  
præf.

Apul. l. 4.  
flor.

Petron. sat.

Plan: trin:  
a 4. f. 3.  
Curt: l. 3.  
c. 5.

*plis commendationem habet antiquitas, deflectendum non est de spatio curriculoq; majorum, cum gravis esse soleat inveterati mores externa mutatio: sed prisco litandum usui carpendum aliquid est exotericae exercitationis, & pro spatio horulae in elucidationem dandum. Selegissem materiem aliquam, de Scholis: verum quia & ante hac jam de ea verba ad Vos facta audiistis, & alio tempore fortasse uberius de illa sermones ferendi dabitur occasio, misa illa pro Professione mihi assignata selecta mihi dicendi materia, Philosophica illa. Dicam nimirum de protervia quadam Philosophica, quam oscitanter alii, alii impie, obstinate plurimi, lupine alii & perverse philosophantur, unde mirum non est, si odia plurimi struant in nobilissimam disciplinam, & quae vitia Professorum sint, ipsi Philosophiae per calumniam assuantur, si aversi multorum ab ea animi, multi conjurationem in eam Catilinariam meditati esse videantur. Quam de re dum vobiscum fermocinor, enixè à vobis, Aud. Honoratiss. contendo eam benevolentiam, qua ante me alios persecuti estis, & me completi sustineatis, & quam gratiam aliis fecistis, eandem prothymiam in me patienter per breviculum temporis spatium audiendo non negare velitis. Fecero intelligatis, non Philosophiam, sed proterviam quandam Philosophicam à musteis nonnullis miscellionibus usurpatam, errores miscere, principiis fidei contraire, omnia deniq; chaos uni protervè immittere.*

Apul: de  
DEO Socr.

*Aristippus ille Cyrenaica sectae repertor, & quod ipse malebat, Socratis discipulus, à tyranno quodam rogatus, quid ipsi Philosophiae studium tam impensum tamq; diutinum profuisset, ut cum omnibus respondit, hominibus*



minibus securè atq; intrepidè fabularer. Optarem e-  
 go, mihi tantum esse operæ positum in Philosophia,  
 quo secure atq; fidenter de proposito ad Vos verba  
 facere possem. Quanquam autem id de me non sen-  
 tio, pavide tamen potius & subverenter ad Vos dicā,  
 quam ut cum *Ausonio* spongiam poscam, quam impin-  
 gens opus equi male spumantis absolvam. Reperio  
 primum in *protervia* illa quam dixi, *Philosophica*, *supi-*  
*nam quorundum oscitantiam*, quā fit, ut postposito vel  
 in supinam procrastinationem rejecto omni Philoso-  
 phiæ accuratori studio perfunctorie admodum phi-  
 losophari incipiant, rati non melius eo labore se de-  
 fungi posse, quam ut sicut *Diogenes* cursitando, obiter  
 quasi & ὡς ἐν παρόδῳ cibum rapiebat potius quam ca-  
 piebat, sic illi raptim & fugientes veluti oculos in Phi-  
 losophiæ sacraria jaciant *nocturnos aliquando*, & alio-  
 quin jam fessos ad sensationem, atq; ad fulgens scien-  
 tiarum lumen obtenebrantes. *Complures hinc reperire*  
*est, qui parum pensi habentes, quod à scitisfimo Comico*  
*dictum est, nave agere oportet quicquid agas, non ductariè,*  
*non Satagios in eā, ut cum Senecā dicam, sed veros &*  
*strenuos ignaviones se præstare volunt, qui neq; se-*  
*riò agunt quod agunt, neq; alio modo quam quo mor-*  
*tui solent inter vivos ambulare, agere destinârunt.*  
 Cum interim in *supinitate atq; inscitia*, quā ipsi vocant  
 simplicitatem, ignavo torpescere otio eligentes tricas,  
 plicas, affanias, Sardos ajunt esse, quæcunq; febrien-  
 tium Philosophorum olim in lucem dedere dicibula.  
 Difficilia ea quidem interdum, sed inani fœta subtili-  
 tate, quæ nec scisse pro sint, vec ignorasse unquam no-  
 cuerint. At misellos literiones si juvare se postulent,  
 juvemus sane, & quibus nil nisi tricas sonuisse lubido

Aufon: jo.  
 cdyll.

Lipsi. l. 2.  
 V. L. c. 9.  
 Lipsi. l. 2.  
 elect. c. 3.

Scalig. ex.

Curt: l. 7.  
c. 11.

est, ducamus paulisper si fieri possit, in erectius supercilium. Nam quæ de difficultate jactitant, Delphicis vaniora oraculis sunt enunciata. Enimvero inversione digna sunt, ut eo ipso quod difficiles tricas esse fiantur, pulcri speciem ijs inesse tacite largiantur, si vera est *Gracia* mendax cum suo diverbio. Si difficultia hæc, pulcra ergo: Quanquam *nil tam difficile natura molita est, quo virtus atq; improbus labor non possint eniti, ut egregie nobiliss. hiitoricus.* Neq; enim quia acerbior objecta est *Herculi* sexta ærumna, ideo eam liquit, neq; quod nobis moram obfundit festinantibus, & ad destinatum cognitionis finem paulisper moratur properantes, statim ut odiosum est amovendum. *Delitias* facimus, *Aud.* si quacunq; ingredimur, cylindro æquari nobis solum postulamus, & Sybariticum *Ca. Caligula* novamus exemplum, si longe profecturi cum salebrosum pulverulentumve se offert iter, velli nobis scrupulos & verri conspergiq; vias jubemus. *Videre est ex oscitantia illa rancidas ac aniles interdum enatas sententias,* quibus *alius* animum nostrum quo nihil divinius in terris constituit dens, mortalitatis intortat laqueis: *alius* rationem quàm maxime à brutis discernimur, inter humanas mentes & bestias dividere proponit, & quæ simulacra atq; idola rationis in his invenit, pro ratione ipsa exosculari non dubitat. *Reliqui* quiburras nugasq; statim clamant, si quid sono horridiori in scriptis Philosophorum legerint, delicatos se esse ostendunt, & linguarum se mancipientes disciplinis, quicquid est Philosophicæ contemplationis, frivolæ damnatum subtilitatis nomine fastuoso supercilio rejiciunt, ad dictata Philosophica aures instar *li*thacensium cerâ solidâ obturant, & *lyntre* quasi *Epicuri* ea præterve-



tervehuntur & fugiant. Ratiq; in mellitis verborum globulis dictisq; papavere & sesamo quasi sparsis ut cum *Petronio* dicam, excellere solum pulcrum esse, ea apud alios in virilem disciplinam struunt odia, ut in eam plurimi vespertas quasdam Sicilienses meditari incipiant. Sed has *Teresias feles*, id est, magnos & ridiculos censores ne quid violemus acerbius, testamur ex ante, probari nobis omnino iudicium magni cuiusdam nominis *Critici*, qui cum rerum scientiam verborum iucunditati jungendam pulcherrima conjugatione suasisset, Philosophiam divinum quid esse dicit, iudicem veritatis, magistram vitæ, omnium virtutum omniumq; rerum laudandarum parentem; sed eundem se ita statueret, si qui optimè sciat, non optimè loquatur, plerumq; fieri, ut id ipsum quod sciat nescire videatur. Namq; qui scientia non delectentur, res, qui in vocibus sordidi, rerum amittant gratiam. Equidẽ puritatem verborum quilibet, cui cor sapientius situm est, cordi sibi esse vel maxime patietur: nec tamen adeo rigidus Philosophiæ censor erit, ut si durius quoddam vocabulum exaudierit, continuo ad arma, clades, incendia conclamet, quibus incesfendi illi, quibus in loquendo etiam hirtum aliquid ac subbarbarum sapiat. Ad pedes *Veste* Bacchanalia agitare videntur, qui rerum philosophicarum, gravitatem purpuris sis semper verborum infucare discupiant. *Sicionios* calceos dicebat *Socrates* ad pedem esse habiles, sed sibi non convenire, quod esset Philosophus: Eadem est ratio cincinnatæ orationis, quâ Philosophus utetur tantum ad necessitatem, Vir civilis etiam ad gratiã, quam etsi hic neglexerit, inciviliior, & ille si affectaverit, non habebitur Philosophus. Finxit suo tempore Eloquentiæ *Parens* citra necessitatem vo-

Manut. l. n.  
cp. 14

Cic: 1. 3.  
ep. ad App.  
Pulerep. 7.

1. Metaph.

ces *Appietatis & Lentulitatis*, & non licebit Philosophis ad necessaria sapientis animi sensa communicanda vocabulo e necessitate petito uti. Si *Pythagoras* absq; cibo vivere potuisset, oleribus etiam fortasse abstinuisset: si sua animi sensa aspectu aut demum minore quam sermonis opera explicare posset Philosophus, omnino non loqueretur, tantum abest ut de rotando atq; exornando sermone cogitaret. Cum choraulos & citharædos quis accedit, ponat se in auribus: cum Philosophos, se vocet se a sensibus atq; in seipsum, animi mentisque secessus penetret. Assumat illas *Tianei* aures, quibus cum omnino non erat in corpore non terrestrem *Marfiam*, sed *Apollinem cælestem* divina cithara universi melos ineffabilibus temperantem modis exaudiebat. Quibus auribus si Philosophorum verba libaverit, mellea ipsi ad *Nestoris* invidiam videbuntur. Linguarum scientiam Philosophus utitur pro medio, non pro rei simplici necessitate. *Philosophatus* est *Plato*, *Aristoteles*, *Averroes*, sed linguis suis vernaculis, non adscititio externi eloquii sesamo: *disquirimus interdum* abstrusiora, idq; curate agimus, sed nostro vernaculo idiomate, nullo extero verborum cultu: Ut propterea non statim habendus sapientior, cui delicatius movetur verborum volubilitas, nec ille rusticior, cui abjectius sermo defluit. Sapiens *Philosopho* est qui rerum Proximas atq; immediatas causas aptè explicare ex hisq; veritatem novit elicere, ac certiore alijis habet scientiam eò quod exprimis, unde certitudo in scientijs oritur, erutam habet. Linguarum cognitione pro ad miniculo utitur sapiens, ipsam sapientiam rerum sciendarum facultate consistere novit, ad quam nisi se capessierit, nunquam sapientis nomen se occupare



cupare posse fatebitur. *Habent tamen illi, qui in superficiei intellectionum contemplationis nostra fixere finem*, quod velut Ajacis clypeū suæ obtendant supinitati. Ajunt *Neoptolemi dictum apud Ennium esse, Paucis Philosophandum esse*. Recte inquam ego, paucis philosophandum est, sed non supine, non obiter, non instar canis ē Nilo bibentis, fugitivè. *Paucis philoso: est, ne in frivolis nos occupantes minutis tempus, cujus pretiosissima est jactura, teramus, atq; omnia ita nos penetrare posse credamus, ut cum Democrito atomos in aëre posse numerare aut culices cum Phariseis excolare putemus*. Quantumcunq; enim à natura se nobis ingerat, semper plus subsidebit inferius, nam ut *Fracastorius* verè ait, natura semper fugiens ubi se paulum ostendit mihi, mox facies in mille repente, Ceu Proteus conversa sequentem eludit & angit, moerentemq; senſq; horas casumq; laborem. *Paucis philosophandum est illis, qui Philosophiā in superioribus disciplinis uti percipiunt, his per omnium artium, suasu* *Ios. Scaligeri* in Jambris gnomonicis, cāpos vagari licet, sed ut mentem ad clariora præparent non occupent: Una enim aucupanda est scientia, vitæ magistra veritatis regula, quæ fingat animos cultibus sapientiæ: qui nescit illam perperam is sciat cæteras. At quibus plus temporis in Philosophiam impendere est animus, illis magni cuiusdam *Theologi* dictum est instillandum, *Philosophentur quam diu possunt, nimium non possunt. Excellentes Philosophos fore excellentes tandē Theologos*. Omnibus tamen ex æquo ita habendum, quicquid in Philosophica disciplina statuere velint, accuratum esse debere non anile, liquidum non vanum solidum non superficiariū, Nam cum homine semidocto in omnibus nil sit iniquius,

Scaliger.

Cicero 2. de  
Or. c. 60.

Senn. de  
Chym. cōf.  
c. 10.

Scal. jam.  
gnom. 20,

Weixel-  
berg. d. 1.  
ter. Phil.

Cung Saty.

Muret: O.  
rat. 3.

tum in primis semi Philosopho, qui illotis manibus in superiora involans cruda adhuc & ut ita dicam, indigesta sua studia propellit in templa, forum, curiam, & cui putidiusculo magnam sæpe laboris partem semiplena absolvit elaboratio. Atq; ut reprehendendus est, si quis nimium curatè radatur quotidie ad speculum, quod *Africanum* fecisse cognovimus, sic culpandus qui *Patrocle*m imitatus lurore ac illuvie sordescens corpus nunquam lavare, manus nunquam ablueri, sudorem nunquam detergere sustineat. Consimilem ad modum culpandus is, qui minutissima rerum, etiam umbras perquirere satagat: sed nec laudandus is qui scientiæ Philosophicæ rudi ac luridâ quadam cognitione sufficere sibi desiderat. *Venio ad eos quos impie philosophari dixi.* Illos primum, hic intelligo, qui immensos religionis nostræ agros rationis suæ decempeda metiri & cardines fidei è ratione evertere allaborant, negantq; esse posse quæ Deus revelavit, eò quod modum eorum talem non assequantur, qualem in sublu-  
naribus sibi offundi perspiciunt. Ne longe abeam, videamus nonnullos, quibus Philosophiæ placita Theologicis mysterijs contra posuisse & hæc ex illis ever-  
tisse lubentia est, quâ parum pie multa ab illis è Philo-  
detorsa, quam incautè rebus sacris applicitar. Negant articulum fidei esse posse, quæ non assequatur ratio, negant à Deo proponi credendum incompræhen-  
sibile, negant verum esse in quo contradictionis speciem sibi finxerit humana erratio. Quibus dictatis in fidem nostram immis-  
sis parum aberit, quin subrutis omnibus solidioris Theologiæ fundamentis in sug-  
grundaria erronearum & paulatim gentili-  
um opinio-  
num sit præcipitandum. Nam si nihil quod rationi  
contrà



contrà venit, in sacris est amplectendum, cessare jubeamus tremendum illud fidei mysterium, quo Trinitatē in unitate & unitatē in Trinitate supplices veneramur, quippe quod adeò sibi relicta ratio respicit, ut meris in eo contradictionibus, velut pueri astralagis, sibi ludum faciat. Hinc clariss. Scripturæ effatis, quibus tres in cœlo testes & eos quidem unum esse edocemur, alienus potius & semiplenus putatur assuendus sensus, ut unitas testimonij, harmoniæ, virtutis, voluntatis, & cujus non potius, quam essentiæ subintelligi asferatur, quam tres in essentiâ una subsistentes esse dicantur. Si contra rationem nihil credendū, procul esto Apostolus cum magno omnium confessione illo pietatis mysterio, quo DEUM in carne manifestatum veneramur. Id quod novi vitiligatores è cœcæ suæ rationis dictamine alto supercilio rident, adeoq; *frigidum esse proclamant, ut strideat trematue velut rigidula Hadriani animula, adeò pallidum acsi fame perijisset sicut Blepsias iste apud Lucianum.* Dogma jactitatur tale esse, quod è fœtidis Antichristi haustum lacunis moræ atq; obicis sit loco, ne in immensum effusa illa *Turcorum, Persarum, infideliumq;* caterva ad Christi aram sacramentum dicere velit, quod perpetuis se innectat contrarietatibus, cum nec finitum infinito uniri, nec cœlum terræ misceri permittat ratio. Negatur hic porro generatio filij DEI, quæ proclamatur impossibilis, DEOq; ut tribuatur, indigna: Negantur decreta DEI esse idem cum simplici illâ essentiâ, cum contrà se rem habere nostro exemplo constet: Negatur in totū Christi satisfactio nostri vice præstita, quod gratis peccata remitti dicantur: gratis autem & soluto lytro remitti in contrariorum seriē

1. Thim: 3.  
V. 16.

discescat ratio. Sic nempe digna pietate abdyta illa  
fidei nostræ susceptantur mysteria, æternis tempori-  
bus tacita, novissimis palam data, in quæ vel angelis  
introspexisse lubentia fuerit? Negatur primævæ cul-  
pæ ab Adamo in nos vulgata contagio, quod unico  
actu totum genus hominum infici non potuerit. At  
præterquam quod hoc & *Ethice*, & *Physice*, & *Politice*,  
*simul* & *Metaphysicè* sit falsissimum, tanquam ad ever-  
tenda tamen fidei principia aptissimum ab illis pro-  
mulgatur. Fuditum est aliquando *Apollinem* tenuis de  
*Marsya* inepto cantillatore victoriæ ut est apud *Apu-  
lejum*: Et hos male philosophantes non pudebit ausu  
giganteo temeriter præceptæ de fidei mysterijs victo-  
riæ, dum vel cœli arcem sustulisse se posse arbitran-  
tur, modo conficta ratiocinij sui principia facta tecta  
reservent. *Protervia est, negare fieri posse, quod vel fa-  
ctum esse, vel facturum se denunciavit DEUS*, si modus  
quò fiat, nulli se liquido ingerere velit. Quanto sani-  
us gentilis ille *Tullius*, Iniquum est quod accidit, non  
cognoscere si cur id accadat reperire nequeamus. No-  
cturnos esse nostros oculos in naturali scientia, in te-  
nui luce caligantes, in mediocri cœcutientes, *Philosophi*  
ad unum omnes inclamant: Et de rebus divinis judi-  
cium eos ferentes patiemur? Cœcutimus quasi in me-  
ridie noctis, ut cum *Varrone* dicam, *in his quæ ante pe-  
des sunt, & quæ oculis sunt objecta, ut sapiens ait, difficul-  
ter juvenimus*. Et oculis ob tenebras offusas lucem di-  
vini mysterij assequi haud valentibus credetur? Qua-  
si ob ardorem febrientem omnia æstu fervere procla-  
manti fiat assensio, aut asino de cantu philomelæ ju-  
diciū ferenti quis assurgat? Negavit aliquando *Phi-  
losophorum* ille facile Princeps, *Aristoteles*, conve-  
nire

*Apoli: l. 1.  
flor.*

*de Orat: c.  
35.*

*Sealig: ex.  
1. f. 5.*

*Arist: 2. Me-  
ta: c. 1.*

*Sapient: 9.  
v. 6.*

*Arist: 1. de  
part. anim.  
c. 1.*



nire legi *παιδείας* homogenea judicari ex heterogeneis: Et nos commitemus divina ab humanis *δὲς δὲς πᾶσιν* distantia non judicari solum, sed infringi, oppugnari, negari. *Elephanti oportet circumtentos esse corio non suo*, nec plus habere sapientiæ quam caudicali aliquem præfectum provinciæ, qui legis *παιδείας* prorsus ignari iudicium sibi rapiunt de rebus, quarum ad alterum extremum rationis cogitatis nunquam valere pertingere. Quid enim est dicere, indignum esse Deum generare, cum quæ ratio sit divinæ generationis, nemo unquam hominum est ratione ad conjecturam evaserit. Non tulit aliquando pertinax ille Romani nominis osor *Annibal Gisconem quendam*, bellum adversus Romanos magnâ contentione suadentem, sed hominem adhuc dicentem de suggesto deturbavit, quod homo imbellis & rei bellicæ nunquam scitus de bello gerendo sermonem ferere ausus fuisset. Et nos non ridebimus ridiculos criticastrors, qui hoc illudve quasi est syngrapho in divinis promulgant esse impossibile, cum ad id nec mentis nec oculorum obtutu unquam penetrarint: Bella sane disquirendi ratio, si dies quasi dicenda Sp. S. quod credendum aliquid proponat in quo auribus infundit stolidi nostra liriopoe contradictionis susurrum, quem *rancidulum quidquam balbæ de nare locutus* procaciter orto sermone fortasse effuderit. *O curvæ in terris anima, & cælestium inanes*. Picturæ hæ ut cum *Scalig.* dicam, effatu quidem perfaciles sunt, sed nullos dignæ habere fautores alios, quam obstipas cervices, solo contemptu prosequendæ, *Quid tanis in balneo*, quid ratio proterviens in schola Sp. S. Vlcus est sanæ Philosophiæ non Philosophia, dignum Herculis istis sacerdotibus, *Potitiis & Pinariis*, quos in

*C a s u s . . . . . Morbo*

Pla: mil. 2.  
2. f. 2

Brasm: l. 4.  
apophr.

Perfid sat. 1.

Perf: sat. 2.

Plaut. Epidic.

*Morboniam* relegasse convenerit, ut helleborum ibi  
 expurgitando pravo cerebelli succo natum præstina-  
 rent. Absurditatis muriam olet hic Philosophandi  
 modus, non aliter quā *Hircum Gorgonius*. quippe si hæc  
*Corinna* est, ad cujus chorum ducenda nobis est salta-  
 tio, parum aberit, quin rejecto universo decretorum  
 fidei statuto *Pyrrhonica* primum atq; *Sceptica* dubitan-  
 di ratio introducatur, quā cuilibet de arduis fidei my-  
 sterijs dicere non dicere, probare improbare, & ad ul-  
 timum τὴν γνώμην ut Græci ajunt, ταλαντεύειν liceat, po-  
 stremò Paganismo, Mahometismo omniq; infideli-  
 tatis plenario satellitio remis quasi contisq; introdu-  
 cto porta ad desperationem panda & plus quam decu-  
 mana aperiatur, qua vel cum *Atheo illo Puccio Filidino*  
 artē nihil credendi tandē profiteri incipias, vel in cō-  
 temtū sanctissimæ nostræ fidei effusus *Maometico* mer-  
 do eam cum impio illo *Imper. Frederico* æquipares, di-  
 cendo tres omnino post hominum memoriam summos in  
 orbe Christiano fuisse impostores, *Mosen, Christum, & Ma-*  
*ometem*. Hi tandem pulchellæ arboris sperandi sunt  
 fructus, hæc carpendæ ē foecunda messe segetes, quas  
 legent, quos in impietatem protervia ista quam dixi  
 Philosophica abripiet. *Athenis* aliquando contigisse me-  
 morat *Plutarchus* ut *Græcus Ægyptio* forte obviarit: cūq;  
 hic nescio quiq; velatum sub tunica apportaret, quæ si-  
 vit iste, ecquid boni ferret: Reposuit hic, Et idcō ve-  
 latum est, ut tu nescias. Ad similem modum occurren-  
 dum illis qui fidei mysteria procaciter insectantur, Et  
 eam ipsam ob rem illa velata esse, ne nos modum eo-  
 rum noscere queamus. Nobis ea quæ *Deus manifestata*  
 esse voluit, non sunt impugnanda, nec ea quæ velata, rima-  
 tius investiganda, ne & in illis impie profani, & in his plus  
 justo curiosi esse depræhendamur. Sunt præter hos im-  
 pios

Lipsi. l. 9.  
 mon. Pol.  
 c. 4.

l. de amore  
 sui vit.



pios Philosophastros alij, qui profanis opinionum oblectati no-  
 vitatibus impias & indignas sententias in proscenium addu-  
 cunt, veluti qui cum Cardano hominem è luto promit-  
 tunt, aut beneficio balneorum, cum Averroë vel Spa-  
 gyriæ, operâ ignis destillatorij cum Paracelso educi  
 posse in vulgus spargunt, Qui à DEO in hypostati-  
 cam unionem irrationalem creaturam assumi potuis-  
 se disquirunt: Qui gentilium tantū inhiantes scriptis  
 Critici an Cretici dici gestientes adeò ad sacra nause-  
 ant, ut legendo Biblia corrumpere nos bonam dictio-  
 nem Ciceronianam voce Licinianâ proclament com-  
 mentationes sacras in Epistolas Paulinas, quas abjectè  
 quidam epistolaccias vocat, meditari nugat ajunt Virò  
 gravi indignas, Unam Pindari odam arte antestare vel  
 toti Psalmorum Regij Prophetæ digesto; & quæ si-  
 milia impietatis plusquam Lucianea plena apud illos  
 reperimus, quæ cum animo fubeunt, an Christianos  
 putemus eos quos ita in transversum egit gentilitia  
 vanitas? Et tamen nonnulli horum sunt, quibus in-  
 fulæ in spem honorum sunt datæ, qui in DEI mini-  
 sterio crediti præcipui purpurâ vestiuntur, quibusq;  
 divini cultus aliàs profanis nec numini initiatis com-  
 mitti non soliti tanquam aptissimis sunt concreditì.  
 Dicendi in hos uberius materies esset, nisi & mihi vi-  
 tanda esset prolixitas, & ne vobis obreperet audiendi  
 tœdium, sub verendū. Referam me brevibus ad illos  
 quos obstinatè philosophari dixi. Eos ajo, qui ad quâcunq;  
 sententiam velut per tempestatem delati fuerint, ad e-  
 am tanquam ad saxum adhærescant, neq; cedere du-  
 cant in gloriam, ut maxime de sequiori sententia fue-  
 rint convicti. Sunt quos, ita proprij ingenij cepit pervica-  
 cia, ut ab eâ quam semel hauserint, opinione regredi  
 piaculare censeant; Hi nempe sapientiam cum seque-

Scalig: ex.  
 193. f. 1.  
 Zimara p-  
 bl. 11.  
 Sennert: de  
 cons. Chy.  
 c. 4. p. 84.  
 Becan: p. 3.  
 Th. Sch.  
 Valentian:  
 T. 4. d. 1. q.  
 4. p. 1.  
 Vid. Alsted.  
 Encyc. l. 16.  
 c. 4.

Bard: l. 1. *stri concipiunt animo: Hi ut cum Petronio ajam, quod*  
 „Arg.  
 Petro-Saty. *perperam didicere, in senectute fateri nolunt; Hi*  
 Horat: *cum Satyrico turpe putant parere minoribus & quæ*  
 1.1. Ethic. 6. *Imberbes didicere, senes perdenda fateri. At rectius*  
 Flor. l. 2. c. *& sanius Aristoteles ubi de id eis disputationem adver-*  
 15. *sus Platonem exorditur, gravissime monet, eam a Viro*  
 Plau. Me- *Philosopho veritatis habendam rationem, ut vel istius*  
 næch. *gratia proprias evertisse sententias non addubitet.*  
 Senn. l. 4. *Verum ut Cartaginienses omnia in bellum adversus*  
 febr. c. 1. *Romanos conflabant, etiam cum proprio damno, au-*  
 Plau. Me- *rum argentumq; pro ære, in tormentorum vincula et-*  
 næch. *tiam matronæ crines suos conferebant: Sic hi meros*  
 Senn. l. 4. *se Chironas & Podalirios credentes, qui vel Æsculapio*  
 febr. c. 1. *crus fractum vel Apollini obligasse brachium quirent,*  
 Mas. in l. 4. *omnia ad evertendas potius aliorum conferrent sen-*  
 Phyl. c. 5. *tentias, modo ne de propria quicquam cecidisse vide-*  
 q. 3. *antur. Sunt alij qui in admirationem rapri aliorum*  
 epist. 42. *ita eorum se addicunt autoritatib; ut eas relinquere*  
*flagitij arbitrentur loco, quasi qui scutum olim apud*  
*Spartanos amisisset. Miror, quoties Alex. Massariam le-*  
*go, qui admirationi Galeni deditus, malle se cum eo*  
*errare ait, quam cum omnibus recentioribus & Chy-*  
*mistis verum sentire. Miror Philosophum quendam non*  
*imi alias commatis, neq; infimi omnino judicij, qui au-*  
*thoritate Thomæ & Aristotelis se motum locum dice-*  
*re superficiem ait. Non dissimilis mens est eorum qui*  
*se maxima Ecclesiæ jactitant columnina esse, quibus a-*  
*nimus sedet potius cum universis patribus errare, quam*  
*cum neotericis quos ipsi salutant hereticos, verum sentire.*  
*Quanto rectius Seneca, bonus inquit animus, nun-*  
*quam erranti accommodat obsequiâ, nec valet quic-*  
*quam, hic vel ille dixit. Quid non de his dicamus, quod*  
 Scali-



Scaliger alicubi de fervilibus hisce ingenijs, Turpis & misera est servitus, ex intellectu quem rerum omnium Deus fecit dominum, mancipium facere alienæ libidinis. Non hoc est lepide ingeniaturum esse, ut cum *Apulejo* dicam, non amussitata hæc atq; ingenua indoles, ut cum *Comico*. Idolum cerebri est alterius, quod adoras, & id quidem vecors sæpe & ex succum, suâ ad huc autoritate quam solidâ ratione valentius: Quod si obtinere debeat, rejectâ verâ philosophandi ratione *Pythagoreum* aliquod αὐτῶν & εἴφα introducendū, & quicquid *crassi* aliquis succi *Orbilius* protelarit, pro auro gēmaq; habendū. Philosophi est *Socratice* philosophari, id est, libere non ad alius sententiam ligate, rationū potius quam autoritatum momenta ut *Cicero* ait, vestigare. *Neg; enim ulla est autoritas, nisi quam rationes ipse Viris ingenio & judicio præstantibus conciliaverint.* Plura non dicam in perversam hanc rationem, quæ hominum prudentiorum damnans cogitata, ratione destituta & vanitate sui sæpius lusa inanes tamen ac arrogantes spes subjicit temerariorum animis, atq; inutili φαντασίᾳ affectatione suspendit imprudentes.

Subjungo ad ultimum eos, quos lupinè Philosophari dixi. Hi illi, qui non se posse adversus alterius adversari sententiam autumant, nisi lupine dissentiant, id est, animo penitus averso & odij pleno, ut non aliter se opinionem alius infingere posse arbitrentur, quam ut authorem sententiæ *pejus quam fullo ululam, oderint, & furno potius mersum quam foro cum illo apud Comicum exoptent.* Nata hinc convitiatorum illa *stirnes*, quibus multis magnam scriptorum partem fanatica calumniandi absument molitio. Nihil nempe in publicum mit-

Scalig: ex.  
307. f. 31.

Plau: mil.  
a. 3. f. 1.  
Apul. l. 4.  
flor.

l. de na. de.  
Taurell:  
præf. in Cæ.  
fal. & l. 3.  
c. 1. §. 6.

Plauti: epid.  
a. 1. f. 2.

cum mitti debere sentiunt, nisi convitiis mole probe differtum. Ortus hinc *immensus ille carpendi prurius*, & compositis ad despectum dictis procaciter insectandi ardor, quo ut caprae nunquam sine febre esse feruntur, sic his nunquam desint convitia, cum hanc summam scriptorum laudem arbitrentur, si variis maledictis quæ licet, quæ non licet, alios impetant. Cogitarent sane hi, quod ab *Aristotele* est proditum, aliud esse *ὀμόνοια* aliud *ὁμόδοξία*. Diversum sentire de rebus iisdem incolumi licere amicitia. Cogitarent litterarum eam esse rationem, qua de *Taxiles* ad *Alex. M.* si superior sit alijs, debere ipsis benefacere, si inferior, debere beneficiū ab illis accipere. Ita si contra indoctiorem scribatur, doctrinam illi cōmunicandam, sin contra doctiorem, ab eo sumendam. neutrum convitiis incessendū esse. De *Galba* informi gibbo corpore olim diverbio jactatum, *Galba ingenium male habitare*: At horum longe pejus habitant ingenia, qui meliores probris impetere malint quam imitari, & quorum desperant similitudinem, eorum affectent similitatem. Convitiandi pugnam cum *Catone* iniquam sibi esse fatetur *Philosophus*: male audire istos ex facili & dicere, sibi & dicere esse molestum & audiendi esse insolitum. Habetis summam, *Audit. lectissimi*, quid de protervo philosophandi modo sit habendum: Ex quo quasi de culmo fruges æstimare potestis. Excellere poterunt qui ad eum philosophantur modum, simul imis saxa renarint vadis levata: quandoq; *Padus* *Mutina* laverit cacumina, aut celsus in mare *Apenninus* procurrerit. Per ijsse credendum est *Germanam Philosophiam*, ubi pestilentia hæc sidera supine puto, impie, obstinate & lupine Philosophandi, meliora afflarunt ingenia. De cœlo,  
si Dii

Erasm. l. 4.  
apoph.

Macrobi. l. 2.  
satur. c. 6.

Apul. l. 1.  
flor.

Lips. in cō-  
cl. d. Virgi-  
nis sic hemi-  
tici.

Horat.  
epod. 16.



si Dñs placet, lapsos hujus philosophiæ Doctores suis  
 Discipulis tradituros putandum est verborum iliadem  
 errorum odysseam. Atq; ut *priscis verbis utar, imbelli-*  
*am, imparentiam, impolitiam, meramq; cum Lavernæ sacris*  
*inscientiam.* Qui inter hos nutriuntur non magis dicen-  
 te Petronio, *sapere possunt quam benè clere qui in culinis*  
*habitant.* Miseros qui tales nacti informatores eorum  
 se credunt doctrinæ, pendebunt pulchrè, qui ab eâ  
 transfennâ turdi lumbricum petent. Imprudentes eos,  
 qui suos talibus adjungunt: eadē operâ columbas ac-  
 cipitrib. pullos milvjs, & oves committent lupis, Ali-  
 ter sedet Apollo illis, qui erectioris paulò sunt super-  
 cilj: Illi Philosophandum sibi ducunt, sed *piè*, ne quid  
 contra fidem, sed *accuratè*, ne quid contra sensum aut  
 rationem, sed *liberè*, ne quid temeriter pro autoritate  
 vel propria vel aliena, sed modestè, ne quid contra hu-  
 manitatem committatur. Sint proindè & pia & mo-  
 desta, sint attenta atq; erecta nostrum omnium studia,  
 ferveant docentium discantiumq; coeuntium turbæ:  
 Gratulabimur Camœnis ad nos reversionem paranti-  
 bus: Gaudebimus sacrissas fractas, lanceas remotas,  
 & armorum sævientes strepitus nunquam nobis exau-  
 diri lætabimur. Vtinam nunquam streperas eiacula-  
 tiones nostræ urbi imminere permittat DEus! Vti-  
 nam ad feralium machinarum tonitrua nunquam no-  
 bis sit expallescendum. Precabimur cum *Lyrice*, ut *fi-*  
*des, & pax, & honor pudorq; priscus, & neglecta redire vir-*  
*tus ausit appareatq; beata pleno copia cornu.* Dicemus fe-  
 licem diem & pulchram fugatis Lyceo nostro inscitæ  
 tenebris: Emoveat ætas nostra, quod de *Augusti* pro-  
 nuntiat idem, culpas & veteres revocet artes, per quas

Petr: Satyræ  
 p. 2.

Hōrat: epo.  
 ult.

Hora: l. 4.  
 od. 15.

D

Lati-

Hora. l. 4.  
od. 14. 15.

Barcl. Præf.  
Arg.

Apul. l. 4.  
Hor.

Flor. l. 4.  
c. 12.

Hora. ep. 5.

Hora. ep. 15.

Latinum nomen & Imperij porrecta majestas ad ortū  
Solis ab Hesperio crevit cubili: Celant submisso Mar-  
tio furore atq; admittant gentes blandas illas Miner-  
vales divas, & quæ Nilum fontium celantem origines  
accollunt, & quæ Istrum, rapidumve Tigrim & Ta-  
naim prope flumen ortæ. Custode rerum supremo nu-  
mine non furor civilis aut vis eximat literarium otium: non  
ira quæ procudit enses, aut miseras inimicat urbes. Sed ex-  
emplo licentiæq; quæ fecerunt Amplissimi nostri Me-  
cænates, & proporrò facient, eant Musæ peroptimatum  
domos, misceant se juventutis colloquiis & proVectiorum se-  
ria utilissimè excolant. Dicatur de nostro Gymnasio,  
quod de Cartaginensium Apuleius; Apud Cartaginenses  
omnem disciplinam pueri discunt, Juvenes ostentant, senes  
docent: Largiatur nobis Deus, halcyonia perpetuæ  
quietis, ut in omnibus gentibus prout de Augusti ævo  
Historicus, continua & jurata quasi pax sit aut pactio: ut  
sûave illud Musarum consortium in circumacta jam  
fermè præcipitantis ævi periodo, maneat nobiscum,  
dum cælum fidat inferius mari, tellure porrecta super,  
dum pecori lupus, & nautis infestus Orion turbet hy-  
bernum mare, intonsosq; aura Apollinis agiter capil-  
los. Sit Dn. DEVS noster nobiscum, & benedicat  
studijs nostris, illustret faciem suam erga nos maxi-  
mè, ut salutem ejus in gentibus agnoscamus: Sint  
actiones docentium discientiumq; gratæ ipsi & opera  
manuum nostrarum accepta habeat: Sit nobilis in  
nostra lehuda DEUS, in Israele magnum nomen  
ejus, sit tugurium ejus Schalemi nostri, & habita-  
culum in Zione nostra.

Hæc



Hæc hætenus : ad tuum, Rerer. ac Exc. Dn. D.  
 Director Gym: nostri dignissime, sermonem ut pauca  
 reponam, quæ de industriâ concordiaq; servandâ sunt  
 dicta fibritus amplector. Sedulitas cordi erit vel maxi-  
 me, nec facile torpor subibit, quò lentum mortui in-  
 star, inter vivos ambulare sit placitum, in patrio cum-  
 primis sola, cui labores sacrare vel optimus quiq; cùm  
 Ulysse cûpierit: Pacis præterea mihi ingenium esse ex-  
 ante profiteor, dicq; sæpè cum Satyrico *Jupiter ut pere-*  
*at positū rubigine ferrū,* nec quisquā noceat cupido mihi  
 pacis. Sed ut concordia non in nostrum solū inge-  
 nijs, sed ipsorum quoq; quibus cū conversamur, est  
 sita: Ita perspectis mihi clarissimorum Dnorum, Col-  
 legarum animis tacitus benè ominor, fore, ut pace at-  
 q; literario otio jucundè nobis transigatur quodcunq;  
 hujus ævi est, *tantumq; ad pacis stabilitatem nos prove-*  
*cturos auguror, quantum imbelles bellum, quale nostrum lit-*  
*terarium, honestâ contentum modestiâ, sanguinem, rixas con-*  
*tentiones non requirit.* Procul absit à nobis, cui non pu-  
 dor est fidos collidere fraude sodales, aut Aesoniâ manu dira  
 duella ferere. Infauftam compescat Nemesis pestem,  
 quæ venenatæ linguæ spicula fraude dolisq; parata fi-  
 gere fatagat. Procul absint mala factionum, procul  
 contententium atrocitas! amor nos jungat plus qua  
 Paphius & Pyladea quædam amicitia: Conveniant  
 Lælij & Scipiones, quos ad senium inviolatos grata  
 conformitas deducat. Quisq; eam vitæ rationem subi-  
 re destinet, ut *famam in posteris celebratam ne mors qui-*  
*dem destituat, sed æternam hanc præstet historia genius, quam*  
*in gentibus sparsam nulla vis, nulla valeat ætas extin-*  
*guere.*

Horat: l. 2.  
 sat. 1.

Vobis

Vobis deniq; *Nobilissimi & perquam Magnifici Viri* grates primum solvendæ sunt, pro honorata mihi functionis sustinenda destinata vocatione: Quam utinā ornare pro cuiusq; expectatione, mea; omnino aviditate possem: *Tum omnibus simul, AUDITORES EXOPTATISSIMI,* grates ut cum *Comico* loquar grandes solidasq; deberi ducimus, quod relictas res omnes & operas habere cupientes nostris hisce dissertationibus interesse, placidaq; auscultatione favorem in literas demonstrare sustinueritis, Solveremus grates eas verbis prolixioribus nisi & tædium audiendi extimescendum, & prolixo jam tum sermone derenti fuissetis, *trahente me catenâ quadam coherentium inter se rerum,* unde facta oratio prolixior, dum materia trulit materiem, & vara suam secuta est vibiam. Ita tamen habetote, *si verbis parum cumulatè grates soluisse videamur,* amplius vestrum nobis præstitum videri officium, quam ut verborum hostimento compensari posse putemus. Gestit animus tenaci illud condere memoria, studiumq; suum vel agnoscendo illo vel prædicando curatè declarabit. Et quam grata; istius æstimatio ipsi sit allapsa, officijs factisq; erga vestrum unumquemq; indicabit, ubicunq; factis se munem demonstrare tulerit occasio. Quicquid præstiterit, vestro meritorum officio minus esse fatebitur, Valite felices, nostraq; ut hætenus ita de cœtero opera vestro favore animare pergitote,

F I N I S.



itini  
ere  
and  
re.  
li-  
to:  
are,  
o  
no-  
r h  
pe-  
-

